

武英殿聚珍版丛书

天

地

人

物

事

理

法

道

水經注卷五

後魏酈道元撰

河水

案二字原本訛在經文又東上近刻又增河水五三字表目

又東過平縣北

案平下原本及近刻竝衍陰字今考上言過平陰清水來注此不得言過平陰

湛水來注明矣後人習見平陰罕見平因而妄加然湛水入河在鄧不在平縣故城之東道元于河水經平縣故城北下卽云又東溟水入焉于湛水云斯乃溟水川之所由非湛水之閒關也可證此經本作平縣從北來注之

河水又東逕河陽縣故城南

案此十一字原本及近刻竝訛作經考河陽臨

平洛陽皆在平陰之東平縣之西不得與經文淆紊今改正

春秋經書天王狩于

河陽王申公朝于王所晉侯執衛侯歸于京師春秋

左傳僖公二十八年冬會于溫執衛侯是會也晉侯

召襄王以諸侯見且使王狩于河陽言非其狩地服虔賈逵

以訓故書曰天王狩于河陽言非其狩地服虔賈逵

曰河陽溫也班固漢書地理志司馬彪袁山松郡國

志案山松原本及近刻並訛作一崧字今改正後同晉太康地道記十三州

志河陽別縣非溫邑也案河陽故城在今孟縣西三十里溫故城在今溫縣西

南三十里是漢高帝六年封陳涓爲侯國王莽之河

亭也十三州志曰治河上河孟津河也郭緣生述征

記曰踐土今治坂城是名異春秋焉非也

案治原本及近刻竝

訛作治下同今考治坂城其下爲治坂津在今孟縣西南而踐土在今滎澤縣西北王官城之內故道元

辯其非

今河北見者河陽城故縣也在治坂西北蓋晉

之溫地故羣儒有溫之論矣魏土地記曰治坂城舊

名漢祖渡城險固南臨孟津河河水右逕臨平亭北

案此八字原本及近刻竝訛作經近刻右訛作又

帝王世紀曰光武葬臨平

亭南西望平陰者也河水又東逕洛陽縣北

案此九字原本

及近刻竝訛作經

河之南岸有一碑北面題云洛陽北界津

水二渚分屬之也

案近刻脫津字屬訛作爲

上舊有河平侯祠祠

前有碑今不知所在郭頒世語曰晉文王之世大魚

見孟津長數百步高五丈頭在南岸尾在中渚河平

侯祠卽斯祠也河水又東逕平縣故城北案此十字原本及近

刻竝訛作經今考以上注文記河之西來所逕至此卽上經文所謂又東過平縣北也漢武帝

元朔三年封濟北貞王子劉遂爲侯國王莽之所謂

治平矣俗謂之小平也有高祖講武場河北側岸有

二城相對置北中郎府徙諸徒隸府戶案徙近刻訛作從并

羽林虎賁領隊防之河水南對首陽山春秋所謂首

戴也夷齊之歌所以曰登彼西山矣上有夷齊之廟

前有二碑竝是後漢河南尹廣陵陳導雒陽令徐循

與處士平原蘇騰

案近刻脫原字

南陽何進等立事見其碑

又有周公廟魏氏起玄武觀于芒垂張景陽玄武觀
賦所謂高樓特起竦峙峩直亭亭以孤立延千里
之清飈也朝廷又置冰室于斯阜室內有冰井春秋
左傳曰日在北陸而藏冰常以十二月採冰于河津
之隘峽石之阿北陰之中卽邠詩二之日鑿冰沖沖
矣而內于井室所謂納于凌陰者也河南有鉤陳壘
世傳武王伐紂八百諸侯所會處尙書所謂不期同

時也紫微有鉤陳之宿主鬪訟兵陣故遁甲攻取之

法以所攻神與鉤陳并氣下制所臨之辰則決禽敵

案決近刻訛作秩是以壘資其名矣河水于斯有盟津之目

論衡曰武王伐紂升舟陽侯波起疾風逆流案逆近刻訛作

疾武王操黃鉞而麾之風波畢除中流白魚入于舟

燔以告天案燔近刻訛作燬與八百諸侯咸同此盟尙書所

謂不謀同辭也故曰孟津亦曰盟津尙書所謂東至

于孟津者也又曰富平津晉陽秋曰杜預造河橋于

富平津案近刻脫河字所謂造舟爲梁也又謂之爲陶河案爲

近刻魏尙書僕射杜畿以帝將幸許試樓船覆于陶

河謂此也昔禹治洪水觀于河見白面長人魚身出

曰吾河精也授禹河圖而還于淵及子朝篡位與敬

王戰乃取周之寶玉沈河以祈福後二日津人得之

于河上將賣之則變而爲石及敬王位定得玉者獻

之復爲玉也河水又東溴水入焉

案此八字原本及近刻竝訛作經溴

訛作溴溴水詳見卷七濟水內

山海經曰和山上無草木而多瑤碧

實惟河之九都是山也五曲九水出焉合而北流注

于河其陽多蒼玉吉神泰逢司之是于荇山之陽出

入有光呂氏春秋曰夏后氏孔甲田于東陽萑山遇
大風雨迷惑入于民室皇甫謐帝王世紀以爲卽東
首陽山也蓋是山之殊目矣今于首陽東山無水以
應之當是今古世懸川域改狀矣昔帝堯脩壇河洛
擇良議沈率舜等升于首山而遵河渚

案遵近刻訛作導

有

五老遊焉相謂河圖將來告帝以期知我者重瞳也
五老乃翻爲流星而升于昴卽于此也又東濟水注

焉

案此六字原本及近刻竝訛作經今考此卽後注內所謂今濟水自溫縣入河者也

又東過鞏縣北

河水于此有五社渡爲五社津建武元年朱鮪遣持

節使者賈彊討難將軍蘇茂將三萬人從五社津渡

攻溫馮異遣校尉與寇恂合擊之大敗追至河上生

擒萬餘人投河而死者數千人縣北有山臨河

案近刻訛

作謂之崆原丘其下有穴謂之鞏穴言潛通淮浦

案近

刻脫

北達于河直穴有渚謂之鮪渚成公子安大河

賦曰鱸鯉王鮪春暮來遊

案近刻脫春字

周禮春薦鮪然非

時及佗處則無故河自鮪穴已上又兼鮪稱呂氏春

秋稱武王伐紂至鮪水紂使膠鬲候周師卽是處矣

案近刻脫此二字

洛水從縣西北流注之

洛水于鞏縣案近刻縣下衍而字東逕洛汭案近刻脫逕字北對琅邪

渚入于河謂之洛口矣自縣西來而北流注河案近刻訛

作洛清濁異流皦焉殊別應瑒靈河賦曰資靈川之遐

源案靈近刻訛作虛出崑崙之神丘涉津洛之阪泉案阪近刻訛作

峻播九道于中州者也

又東過成臯縣北濟水從北來注之

河水自洛口又東左逕平臯縣南案臯近刻訛作高又東逕

懷縣南濟水故道之所入與成臯分河

案河下近河刻衍水字

水右逕黃馬坂北

案此八字原本及近刻並訛作經近刻右訛作又

謂之黃

馬關孫登之去楊駿作書與洛中故人處也河水又

東逕旋門坂北

案此九字原本及近刻並訛作經

今成臯西大坂者

也升陟此坂而東趣成臯也曹大家東征賦曰望河

洛之交流看成臯之旋門者也河水又東逕成臯大

伾山下

案此十一字原本及近刻並訛作經

爾雅曰山一成謂之伾許

慎呂忱等竝以爲丘一成也孔安國以爲再成曰伾

亦或以爲地名非也尙書禹貢曰過洛汭至大伾者

也鄭康成曰地喉也沉出伾際矣

案此句之下近刻衍然則大伾四字

在河內脩武武德之界濟沉之水與滎播澤出入自

此然則大伾卽是山矣伾北卽經所謂濟水從北來

注之者也今濟水自溫縣入河

案濟近刻訛作沛

不于此也

所入者奉溝水耳

案溝近刻訛作濟

卽濟沉之故瀆矣

案濟近刻

訛作成臯縣之故城在伾上

案近刻脫城在二字

滎帶伾阜絕

岸峻周高四十許丈城張翕險崎而不平春秋傳曰

制巖邑也虢叔死焉卽東虢也魯襄公二年七月晉

成公與諸侯會于戚遂城虎牢以逼鄭求平也蓋脩

故耳穆天子傳曰天子射鳥獵獸于鄭圃命虞人掠

林有虎在于葭中天子將至七萃之士高奔戎生捕

虎而獻之天子

案捕近刻作擒

命之爲柙畜之東虢

案近刻訛作虞

是曰虎牢矣然則虎牢之名自此始也秦以爲關漢

乃縣之城西北隅有小城周三里北面列觀臨河峇

峇孤上景明中言之壽春路值茲邑升眺清遠勢盡

川陸羈途遊至有傷深情河水南對玉門

案此六字原本及近

刻竝訛作經

昔漢祖與滕公潛出濟于是處也門東對臨

河側岸有土穴魏攻北司州刺史毛德祖于虎牢

案北

司州近刻訛戰經二百日不克城惟一井井深四十
作此同州

丈山勢峻峭不容防捍潛作地道取井余頃因公至

彼故往尋之其穴處猶存河水又東合汜水案此七
字原本

及近刻竝水南出浮戲山世謂之曰方山也北流合
訛作經

東關水案近刻脫台
字東訛作車水出嵩渚之山案近刻脫水字
作出于嵩渚之

也山泉發于層阜之上源兩枝分流瀉注世謂之石

泉水也東爲索水西爲東關之水案近刻作東流爲
索水西注爲車關

西北流楊蘭水注之水出非山西北流注東關水案
注

下近刻東關水又西北清水入焉案清近刻
訛作蒲水自東
衍爲字

浦西流與東關水合而亂流注于汜汜水又北右合

石城水水出石城山其山複澗重嶺鼓疊若城山頂

泉流瀑布懸瀉下有溫泉東流洩注邊有數十石畦

畦有數野蔬巖側石窟數口隱跡存焉而不知誰所

經始也又東北流注于汜水汜水又北合鄆水

案又近刻

訛作水西出婁山至冬則煖故世謂之溫泉東北流

逕田鄆谷謂之田鄆溪水東流注于汜水汜水又北

逕虎牢城東漢破司馬欣曹咎于是水之上汜水又

北流注于河征艱賦所謂步汜口之芳草弔周襄之